

հաննէս Խուլը աթոռէն տապալելէ յետոյ՝
փութաց Լեհաստան (*):

1627 Դեկտեմբերին(**) կը հասնի Կա-
մենից և իբր լրտես կ'ամբաստանուի Նի-
կոլ եպս. Թորոսովիչէն և 1628ի սկիզբը կը
վտարուի Պուղտանաց երկիրը, ուրկէ Կե-
սարացին Նիկոլի դէմ բանադրանք արձա-
կեց և վերադարձաւ Կ. Պոլիս:

Վերոյիշեալ 1631 Յուլիս 25ին Լվովի
մէջ խմբագրուած վաւերագիրին մէջ, որ
ինչպէս ըսի բողոք մըն է ընդդէմ Նիկոլ
Թորոսովիչի՝ ուղղուած Մովսէս Տաթևացի
կաթողիկոսին, կը խօսի Կեսարացիի առա-
ջելութեան վրայ ի Լեհաստան, առանց
խօսելու անոր վտարումին մասին:

Նիկոլ եպս. ի ձեռնադրութեան վրայ
խօսելէ յետոյ, «շատ չանցած, . . . Կա-
մենից եկաւ Կեսարացի արքեպիսկոպոս Գրիգոր

(*) Հ. Գրիգոր վրդ. Գալէմբարեան (Կենսագր. Ա.
էջ 29) կը գրէ թէ նախ էջմիածին գացած է եւ անկէ
Լեհաստան, սակայն այս մասին ոեւէ ապացոյց չկայ:
Հ. Ակիմեան (ՀԱ. 1934, էջ 8) կը կարծէ թէ ուղար-
կուած է Մովսէս «յուսարար»էն ի նպատակ էջմիածնի
նուիրակութիւն ընելու, սակայն այս մասին ալ
փաստ չկայ:

(**) Դարձեալ Գալէմբարեան զայն Կամենից
ցոյց կուտայ 1629ին, ինչ որ շատ հաւանական չի
թուիր: